



თიბისი დაზღვევა



საინფორმაციო ფურცელი
სს თიბისი ბანკის მეანობრის
სიცოცხლის ვადიანი დაზღვევა

DEPL-001/20



გამარჯობა!

თქვენ ეცნობით სს თიბისი ბანკის მეანაბრის სიცოცხლის ვადიანი დაზღვევის ძირითად პირობებს. აღნიშნული საინფორმაციო ფურცელი არ შეიცავს ამომწურავ ინფორმაციას და იგი არ არის დაზღვევის ხელშეკრულების ტოლფასი. შესაბამისად, მისი გაცნობა არ წარმოშობს ჩვენს შორის სამართლებრივ შედეგებს.

ვინ არის მზღვეველი?

მზღვეველი ორგანიზაციაა სს „თიბისი დაზღვევა“ (ს/კ 405042804).

მისამართი: ქ. თბილისი, ალ. ყაზბეგის გამზ. #24ბ

ცხელი ხაზი/ტელეფონი: (+995 32) 242 11 11

დაზღვევის ხელშეკრულების სახე

წინამდებარე საინფორმაციო ფურცელი შეიცავს მოკლე ინფორმაციას სიცოცხლის ვადიანი დაზღვევის ხელშეკრულების შესახებ. თქვენ მიერ შესაბამისი დაზღვევის შექმნის შემთხვევაში, გადმოგეცემათ დაზღვევის დამადასტურებელი დოკუმენტი „პოლისი“, რომელიც, მასში მითითებულ დაზღვევის პირობებთან და „ხელშეკრულების მნიშვნელოვან პირობებთან ერთად, წარმოადგენს დაზღვევის ერთიან ხელშეკრულებას. პოლისში მითითებული დაზღვევის პირობების დეტალური ნახვა შეგიძლიათ ჩვენს ვებ გვერდზე www.tbcinsurance.ge. თქვენ მიერ დაზღვევის შექმნა გულისხმობს, რომ დაეთახმეთ საიტზე განთავსებულ და პოლისში მითითებულ დაზღვევის პირობებს **DEPL-001/20**.

რისგან ხართ დაზღვეული?

დაზღვევა ითვალისწინებს სადაზღვევო ანაზღაურების გაცემას მოსარგებლეზე, დაზღვეულის ბუნებრივი მიზეზით ან უბედური შემთხვევით გამოწვეული გარდაცვალების ან უბედური შემთხვევით გამოწვეული სრული მუდმივი შრომისუნარობის დადგომის შემთხვევაში.

დაზღვეული რისკები

1. სადაზღვევო პერიოდის განმავლობაში, მოცდის პერიოდის ამოწურვის შემდეგ, **დაზღვეულის გარდაცვალება ბუნებრივი მიზეზით;**
2. სადაზღვევო პერიოდის განმავლობაში **დაზღვეული პირის გარდაცვალება,** გამოწვეული სადაზღვევო პერიოდში მომხდარი **უბედური შემთხვევით;**
3. სადაზღვევო პერიოდში **დაზღვეული პირის სრული მუდმივი შრომისუნარობის დადგომა,** რომელიც გამოწვეულია სადაზღვევო პერიოდში მომხდარი უბედური შემთხვევით.

ამ დაზღვევის მიზნებისთვის, უბედურ შემთხვევას წარმოადგენს გაუთვალისწინებელი და მოულოდნელი შემთხვევა, გამოწვეული თვალსაჩინო გარეგანი ძალების ზემოქმედებით, რომელიც განაპირობებს დაზღვეულის გარდაცვალებას ან დაზღვეულის სრულ მუდმივ შრომისუნარობის დადგომას.

ამ დაზღვევის მიზნებისთვის, **სრულ მუდმივ შრომისუნარობას** წარმოადგენს მხოლოდ უბედური შემთხვევით და არა რაიმე სხვა დამოუკიდებელი მიზეზით გამოწვეული სხეულის დაზიანება, რომელიც უბედური შემთხვევის დადგომიდან 12 (თორმეტი) კალენდარული თვის განმავლობაში გამოიწვევს დაზღვეულის შრომისუნარიანობის სრულ მუდმივ დაკარგვას და ამ პერიოდის დასრულების შემდგომაც მდგომარეობის შეცვლის პროგნოზი უიმედო იქნება, რაც უნდა დასტურდებოდეს შესაბამისი ექსპერტიზის დასკვნით.

სადაზღვევო ანაზღაურების ოდენობა

მზღვევლის ვალდებულების მაქსიმალური ოდენობა შემოიფარგლება დამზღვევსა და სს „თიბისი ბანკს“ შორის გაფორმებული ანაბრის ხელშეკრულებით დადგენილი ანაბრის ოდენობით, მაგრამ არაუმეტეს 100'000 აშშ დოლარის, 85'000 ევროს ან 300'000 ლარისა ერთ სადაზღვევო პოლისზე, ანაბრის თანხის შესაბამისად.

ერთ მენაბრეზე ერთზე მეტ ანაბართან მიმართებით სიცოცხლის დაზღვევის შემთხვევაში, სადაზღვევო თანხების ჯამური ოდენობის მიუხედავად, მზღვევლის მიერ ყველა სადაზღვევო პოლისით ასანაზღაურებელი თანხის მაქსიმალური ოდენობა შემოიფარგლება 100'000 აშშ დოლარით, 85'000 ევროთი ან 300'000 ლარით.

დაზღვეულის გარდაცვალების შემთხვევაში, სადაზღვევო ანაზღაურება გაიცემა მოსარგებლებზე ერთჯერადად.

უბედური შემთხვევის შედეგად სრული მუდმივი შრომისუნარობის დადგომისას, სადაზღვევო ანაზღაურება გაიცემა ყოველთვიურად, შემდეგი წესით:

- თუ სადაზღვევო თანხა 10'000 აშშ დოლარზე, 8'500 ევროზე ან 30'000 ლარზე ნაკლებია, ყოველთვიური ანაზღაურება გაიცემა 1 წლის განმავლობაში,

ყოველთვიურად, სადაზღვევო თანხის 1/12-ის ოდენობით, სადაზღვევო თანხის ამოწურვამდე.

- თუ სადაზღვევო თანხა 10'000-20'000 აშშ დოლარი, 8'500-17'000 ევრო ან 30'000 – 60'000 ლარია, ყოველთვიური ანაზღაურება გაიცემა 2 წლის განმავლობაში, ყოველთვიურად, სადაზღვევო თანხის 1/24-ის ოდენობით, სადაზღვევო თანხის ამოწურვამდე.
- თუ სადაზღვევო თანხა აღემატება 20'000 აშშ დოლარს, 17'000 ავროს ან 60'000 ლარს, ყოველთვიური ანაზღაურება გაიცემა 3 წლის განმავლობაში, ყოველთვიურად, სადაზღვევო თანხის 1/36-ის ოდენობით, სადაზღვევო თანხის ამოწურვამდე.

სრული მუდმივი შრომისუნარობის რისკით ანაზღაურებისას სადაზღვევო თანხის სრული ამოწურვისას, მზღვეულის ვალდებულება ჩაითვლება შესრულებულად და გარდაცვალების რისკი ანაზღაურებას აღარ დაექვემდებარება.

სადაზღვევო თანხის ამოწურვამდე ყოველთვიური ანაზღაურების გაცემის პერიოდში დაზღვეულის გარდაცვალების შემთხვევაში, მოსარგებლეს აუნაზღაურდება სადაზღვევო თანხის ოდენობას გამოკლებული დაზღვეულზე გაცემული ყოველთვიურად ანაზღაურებული თანხების ჯამი.

თუ სადაზღვევო თანხა პოლისში განსაზღვრულია აშშ დოლარში ან ევროში, სადაზღვევო ანაზღაურება გაიცემა ლარში, გადახდის დღეს არსებული ეროვნული ბანკის კურსის შესაბამისად.

ვისზე გაიცემა სადაზღვევო ანაზღაურება?

სადაზღვევო ანაზღაურება გაიცემა მოსარგებლეზე.

დაზღვეულის გარდაცვალების შემთხვევაში, მოსარგებლეს წარმოადგენს სადაზღვევო პოლისში მითითებული პირი. ასეთის არარსებობის შემთხვევაში ან თუ სადაზღვევო შემთხვევის დადგომის მომენტისთვის პოლისში მითითებული მოსარგებლე გარდაცვლილია - დამზღვევის სამკვიდრო მოწმობაში მითითებული პირ(ებ)ი, სამკვიდრო მოწმობაში მითითებული წესით ან/და პროცენტული თანაფარდობით.

უბედური შემთხვევით გამოწვეული სრული მუდმივი შრომისუნარობის დადგომის შემთხვევაში, მოსარგებლეს წარმოადგენს დაზღვეული ან მისი უფლებამოსილი წარმომადგენელი.

როგელ ქვეყნებში ვრცელდება დაზღვევა?

დაზღვევა მოქმედებს მთელი მსოფლიოს ტერიტორიაზე.

მოცდის პერიოდი

პერიოდი, რომლის განმავლობაშიც დაზღვევის ხელშეკრულებით დაფარული რისკის დადგომის შემთხვევაში, სადაზღვევო ანაზღაურება არ გაიცემა. მოცდის პერიოდი შეადგენს დაზღვევის ხელშეკრულების ძალაში შესვლიდან 90 (ოთხმოდრეათი) კალენდარულ დღეს და მოქმედებს მხოლოდ ბუნებრივი მიზეზით გამოწვეული გარდაცვალების რისკის ან დაზღვევის პირობებით პირდაპირ გათვალისწინებულ შემთხვევებში.

მოცდის პერიოდი არ შეეხება იმ დაზღვეულებს, ვინც ვადიანი ანაზღაურებასა და სადაზღვევო პერიოდის ამოწურვის შემდეგ უწყვეტად (ანუ იმავე თარიღში) განაახლებენ ვადიან ანაზღაურებას იგივე ან ნაკლებ თანხაზე და ამავდროულად გააფორმებენ სადაზღვევო პოლისს.

თუ არსებული პოლისის გაუქმებას ან/და ამოწურვასა და ახალი სადაზღვევო პოლისის გაფორმებას შორის იქნება წყვეტა ან თუ ახალი სადაზღვევო პოლისი გაფორმდება გაზრდილ სადაზღვევო თანხაზე, მოცდის პერიოდის ათვლა დაიწყება თავიდან.

დაზღვევას არ ექვემდებარებიან:

- პირები, რომელთა ასაკი დაზღვევის ძალაში შესვლის თარიღისთვის არის 18 წელზე ნაკლები და 60 წელზე მეტი.
- პირები, რომლებიც საჭიროებენ მუდმივ მოვლას (დახმარებას ყოველდღიური საყოფაცხოვრებო აქტივობის შესასრულებლად), მაგრამ ეს შეზღუდვა არ ვრცელდება პირებზე, რომლებიც აღმოჩნდნენ აღნიშნულ მდგომარეობაში დაზღვევის ხელშეკრულების ძალაში შესვლის შემდეგ.

რა არ ანაზღაურდება?

დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამოწვეულია შემდეგი მოვლენებით:

- მოცდის პერიოდის განმავლობაში ბუნებრივი მიზეზით დამდგარი გარდაცვალება;
- ნარკოტიკული ნივთიერებების, ტოქსიკური, ფსიქოტროპული ან ალკოჰოლური ნივთიერებების ზემოქმედება და მათი მოხმარებით გამოწვეული გართულებები; ასევე, თუ დაზღვეული სადაზღვევო შემთხვევის დადგომის მომენტში იმყოფებოდა ალკოჰოლის და/ან ნარკოტიკული და/ან ტოქსიკური და/ან ფსიქოტროპული ნივთიერებების მოქმედების ქვეშ*, გარდა იმ შემთხვევისა, როდესაც ნარკოტიკული ან ფსიქოტროპული საშუალება დანიშნულია შესაბამისი სამედიცინო ჩვენებით, სერტიფიცირებული ექიმის მიერ;

- დაზღვეულის გარდაცვალება გამოწვეულია შიდასით, აივ-ინფექციით ან B ან C ჰეპატიტით ან მათი გართულებებით;
- უბედური შემთხვევა, რომელიც გამოწვეულია მალთაშუა დაზიანებით, შინაგანი ორგანოებიდან სისხლდენით, ან/და თავის ტვინში სისხლჩაქცევით ან ინსულტით;
- თვითმკვლელობა, თვითდაზიანება ან მათი მცდელობა;
- დაზღვევამდე არსებული დაავადება/პათოლოგიური მდგომარეობა;
- დაზღვეულის მონაწილეობა საქართველოს (ან გარდაცვალების/უბედური შემთხვევის ადგილის მიხედვით შესაბამისი ქვეყნის) კანონმდებლობით გათვალისწინებულ კანონსაწინააღმდეგო ქმედებებში;
- დაზღვეულის ნებაყოფლობითი მონაწილეობა ომში (გამოცხადებული ან გამოუცხადებელი), სამოქალაქო ომში, აჯანყებაში, რევოლუციაში, გაფიცვაში, ხელისუფლების სამხედრო გადატრიალებაში;
- დაზღვეულის გარდაცვალების ან შრომისუნარობის მიზეზი გახდა პირდაპირ ან ირიბად დაზღვეულის ან/და მოსარგებლის განზრახ ქმედება;
- დაზღვეულის გარდაცვალება/შრომისუნარობა მოჰყვა ნებისმიერ ტერორისტულ აქტს. ტერორისტული აქტი გულისხმობს, მაგრამ არ შემოიფარგლება, პოლიტიკური, რელიგიური, იდეოლოგიური ან ეთნიკური მოტივით სახელმწიფოზე ზეგავლენის მოხდენის მიზნით ან/და საზოგადოების ან მისი რომელიმე ნაწილის დაშინების მიზნით გამოყენებულ ძალას ან ძალადობას და/ან მუქარას ნებისმიერი პირის ან პირთა ჯგუფის მიერ, მიუხედავად იმისა, მოქმედებენ ისინი მარტო თუ რაიმე ორგანიზაცი(ებ)ის ან ხელისუფლებ(ებ)ის სახელით ან მათთან შეთანხმებულად;
- დაზღვეულის ფსიქიკური ავადმყოფობა, მაგრამ ეს შეზღუდვა არ ვრცელდება პირებზე, რომლებიც ფსიქიკურად დაავადდნენ დაზღვევის ხელშეკრულების გაფორმებისა და მოცდის პერიოდის ამოწურვის შემდეგ;
- დაზღვეულის ისეთი მდგომარეობა, როდესაც ის საჭიროებს მუდმივ მოვლას (დახმარებას ყოველდღიური საყოფაცხოვრებო აქტივობის შესასრულებლად), მაგრამ ეს შეზღუდვა არ ვრცელდება პირებზე, რომლებიც აღმოჩნდნენ აღნიშნულ მდგომარეობაში დაზღვევის ხელშეკრულების გაფორმების შემდეგ;
- დაზღვეულის მონაწილეობა შემდეგი მაღალი რისკის შემცველ აქტივობებში: საბრძოლო სახეობები, აკვალანგით ყვინთვა, ნადირობა, კლდეზე ცოცვა, ალპინიზმი, ჯომარდობა, პარაშუტით ხტომა, დელტა- და პარაპლანერიზმი, ავტო და მოტო რბოლა, დოღები, მღვიმეებსა და გამოქვაბულებში ყოფნა და გადაადგილება, ექსტრემალური და პროფესიული სპორტის სახეობები, ავიაცია და მასთან დაკავშირებული სპორტის სახეობები; დაზღვეულის გარდაცვალება/შრომისუნარობა მოჰყვა სანაძლეოს, აკრობატულ ოინებს, ნებისმიერი სახის რეკორდის დამყარებას, მის მცდელობას ან მისთვის მზადებას;
- ავტომობილის ან/და სხვა მექანიკური სატრანსპორტო საშუალების მართვა შესაბამისი მართვის მოწმობის გარეშე ან/და ავტომობილის ან/და სხვა მექანიკური სატრანსპორტო საშუალების მართვა ნარკოტიკული, ტოქსიკური, ფსიქოტროპული ან ალკოჰოლური ნივთიერებების ზემოქმედების ქვეშ*;

- დაზღვეულის ყოფნას ან მონაწილეობას: პოლიციის, სამხედრო ფლოტის, ჯარის ან სამხედრო საჰაერო ძალების შემადგენლობაში ან სამხედრო ოპერაციებში;
- დაზღვეულის პროფესიულ საქმიანობას, როგორცაა მაღაროში, მიწისქვეშა, ქვის სამტეხლოში, ფეთქებად-საშიშ მასალებთან და საომარ აღჭურვილობასთან, ნავთობ პროდუქტებთან, მაღალი ძაბვის კაბელებთან, ნავთობ და გაზ-ჭაბურღილის ბურღვასთან, საშიშ ქიმიურ ნივთიერებებთან დაკავშირებული სამუშაოები;
- დაზღვეულის გარდაცვალება/შრომისუნარობა გამოიწვია ბირთვული ენერჯით (ბირთვული რეაქციები, რადიაცია, დაბინძურება) ნებისმიერმა დაზიანებამ ან დაავადებამ, რომელიც პირდაპირ თუ არაპირდაპირ გამოწვეულია ან შედეგად მოყვა ბირთვული საწვავით ან ბირთვული საწვავის აფეთქებით გამოწვეულ იონიზირებულ დასხივებას ან რადიოაქტიურ დაბინძურებას;
- საავიაციო რისკები, გარდა იმ შემთხვევისა, როდესაც დაზღვეული წარმოადგენს რეგულარული ან ჩარტერული ავიარეისის მგზავრს;
- სამედიცინო დანიშნულების არაგონივრული უარყოფა; ასევე, დაზღვეულის მიერ არალიცენზირებულ სამედიცინო დაწესებულებებში მკურნალობის კურსის ან თვითმკურნალობის შედეგად გამოწვეული ჯანმრთელობის გაუარესება;
- ნებისმიერი შემთხვევა, თუ დადგენილი არ იქნება გარდაცვალების გამომწვევი დიაგნოზი. დაზღვეულის უგზო-უკვლოდ დაკარგულად აღიარება სადაზღვევო შემთხვევას არ წარმოადგენს;
- ამ დოკუმენტით გათვალისწინებული, მზღვეველის მიერ ზარალის შესაფასებლად აუცილებელი საბუთების სრულყოფილად წარმოდგენლობა.
- მზღვეველისთვის დაზღვეულის ან/და მოსარგებლის მიერ მოწოდებული დოკუმენტაციის/ინფორმაციის სიყალბე ან/და შეუსაბამობა რეალურ ფაქტობრივ გარემოებებთან.

* ალკოჰოლური ნივთიერების ზემოქმედების ქვეშ ყოფნა ავტომობილის ან/და სხვა მექანიკური სატრანსპორტო საშუალების მართვის შემთხვევაში ჩაითვლება, თუ დაზღვეულის სისხლში ალკოჰოლის შემცველობა აღმოჩნდება 0.5‰ და მეტი, ხოლო სხვა ნებისმიერ შემთხვევაში 1.0‰ და მეტი.

ამ დაზღვევის მიზნებისთვის, დაზღვევამდე არსებული დაავადება/პათოლოგიური მდგომარეობა ნიშნავს დაზღვევის ხელშეკრულების გაფორმებამდე დიაგნოსტირებულ დაავადებას ან/და ჯანმრთელობის პრობლემას, რომელიც არსებობდა დაზღვევის ხელშეკრულების გაფორმებამდე.

თქვენი ფინანსური ხარჯი

დაზღვევის შესაძენად თქვენ უნდა გადაიხადოთ სადაზღვევო პრემია პოლისში ასახული გრაფიკის შესაბამისად.

თქვენ მიერ დაზღვევის ხელშეკრულების ვადაზე ადრე შეწყვეტისას, თუ ანაბრის მოქმედება არ არის შეწყვეტილი და თუ დაზღვევის ხელშეკრულების შეწყვეტამდე ადგილი არ ჰქონია სადაზღვევო შემთხვევას, თქვენ ვალდებული ხართ სრულად გადაიხადოთ დაზღვევის ხელშეკრულების გაუქმების თარიღისთვის გამომუშავებული და გადაუხდელი სადაზღვევო პრემია და დაზღვევის ხელშეკრულების ვადაზე ადრე შეწყვეტის პირგასამტეხლო, გამოუმუშავებელი პრემიის 10%-ის ოდენობით.

როგორ უნდა მოიქცეთ სადაზღვევო შემთხვევის დადგომისას:

დაზღვეული, დაზღვეულის წარმომადგენელი (დაზღვეულის მემკვიდრე/მოსარგებლე) ვალდებულია სადაზღვევო შემთხვევის დადგომისას უმოკლეს ვადაში, მაგრამ არაუგვიანეს 1 (ერთი) თვისა სადაზღვევო შემთხვევის დადგომიდან, მიაწოდოს მზღვეველს შესაბამისი ინფორმაცია ცხელ ხაზზე +995 322 42 11 11 და მიაწოდოს შემდეგი დოკუმენტაცია:

- დაზღვეულის გარდაცვალების მოწმობის დედანი ან ნოტარიულად დამოწმებული ასლი;
- სამედიცინო ცნობა, რომელშიც მითითებული იქნება გარდაცვალების გამომწვევი მიზეზ(ებ)ი (ფორმა #106) და სამედიცინო ცნობა ფორმა iv/100-ა;
- დაზღვეული პირის უბედური შემთხვევით გამომწვეული გარდაცვალების ან სრული მუდმივი შრომისუნარობის შემთხვევაში, შესაბამისი სამართალდამცავი ორგანოების მიერ შედგენილი და ხელმოწერილი აქტი;
- დაზღვეულის სრული მუდმივი შრომისუნარობის დადგომის შემთხვევაში ექსპერტიზის დასკვნა ორგანიზმის ძირითადი ფუნქციების მკვეთრად გამოხატული დარღვევის - მეოთხე ხარისხის ცნობით;
- სადაზღვევო პოლისი;
- დაზღვეულის პირადობის მოწმობის ასლი;
- მოსარგებლის პირადობის მოწმობის ასლი;
- საჭიროების შემთხვევაში, ოჯახის წევრების (მეუღლის, შვილების, დედ-მამის, და-ძმის) პირადობის დამადასტურებელი მოწმობის ასლები, ასევე ოჯახის წევრების (მეუღლის, შვილების, დედ-მამის, და-ძმის) დაბადების მოწმობის ასლები და დაზღვეულის ქორწინების მოწმობის ასლი;
- მოსარგებლის/მოსარგებლეების საბანკო რეკვიზიტები;
- სამკვიდრო მოწმობა, ხოლო მზღვეველის წინასწარი თანხმობის შემთხვევაში - სამკვიდროს მართვის მოწმობა;
- იმ შემთხვევაში, თუ მოწოდებული დოკუმენტაციით ვერ ხერხდება დაზღვეულის გარდაცვალების გამომწვევი მიზეზის დადგენა, მზღვეველი უფლებამოსილია მოითხოვოს სამედიცინო ექსპერტიზის დასკვნა;
- კონკრეტული სადაზღვევო შემთხვევის გარემოებების დადგენის მიზნით, მზღვეველი იტოვებს უფლებას მოსარგებლეს მოსთხოვოს წინამდებარე მუხლში ჩამოთვლილი საბუთებისგან განსხვავებული, დამატებითი საბუთების წარმოდგენა,;
- უბედური შემთხვევით გამომწვეული მუდმივი სრული შრომისუნარობის კონკრეტული შემთხვევიდან გამომდინარე, მზღვეველი იტოვებს უფლებას

დაზღვეულს მოსთხოვოს მზღვეველის მიერ მითითებულ სამედიცინო დაწესებულებაში და სპეციალისტ/ებ/თან დამატებითი სამედიცინო ექსპერტიზის გავლა;

რამდენ დღეში რეგულირდება და გაიცემა სადაზღვევო ანაზღაურება?

სადაზღვევო შემთხვევის ანაზღაურებაზე მოთხოვნა მზღვეველს წარდგინება წერილობითი ფორმით.

სადაზღვევო ანაზღაურება გაიცემა უნაღდო ანგარიშსწორების გზით.

დაზღვეულის გარდაცვალების შემთხვევაში, მზღვეველის მიერ ზარალის დარეგულირება, ზარალის ანაზღაურებაზე საბოლოო გადაწყვეტილების მიღება და ზარალის ანაზღაურება (დადებითი გადაწყვეტილების შემთხვევაში) ხორციელდება დამზღვევის მიერ მზღვეველისთვის ზარალის რეგულირებისთვის საჭირო ყველა დოკუმენტაციის მიწოდებიდან 15 (თხუთმეტი) სამუშაო დღის განმავლობაში.

უბედური შემთხვევით გამოწვეული სრული მუდმივი შრომისუნარობის დადგომისას (რომელიც დადგინდება უბედური შემთხვევის დადგომიდან 12 (თორმეტი) თვის გასვლის შემდეგ), ყველა აუცილებელი დოკუმენტაციის მიღების შემდგომ, მზღვეველი 15 (თხუთმეტი) სამუშაო დღის ვადაში უარს იტყვის ანაზღაურებაზე ან გადასცემს დაზღვეულს ან მის უფლებამოსილ წარმომადგენელს ყოველთვიური ანაზღაურების გრაფიკს, რომლის მიხედვითაც განახორციელებს ყოველთვიურ ჩარიცხვებს დაზღვეულის ან მისი უფლებამოსილი წარმომადგენლის საბანკო ანგარიშზე, სადაზღვევო თანხის ამოწურვამდე.

მონაცემთა დაცვა

გთხოვთ, გაითვალისწინოთ, რომ მომხმარებელთა უფლებების დაცვის და მომსახურების ხარისხის გაუმჯობესების მიზნით, კომპანიის ცხელ ხაზზე შემომავალი ყველა ზარი იწერება.

თქვენი პერსონალური მონაცემები დამუშავდება დაზღვევის პირობებში მითითებული მიზნებისთვის.

გადლობთ, რომ სარგებლობთ ჩვენი მომსახურებით!